

Broj: 01-04-1-203-1/24  
Sarajevo, 5.06.2024. godine

**ZASTUPNIČKI DOM**  
**PARLAMENTA FEDERACIJE BOSNE I HERCEGOVINE**  
N/r Ivan Miličević, sekretar

**BISENIJA MUŠEDINOVIĆ, ZASTUPNICA U ZASTUPNIČKOM DOMU**  
**PARLAMENTA FEDERACIJE BOSNE I HERCEGOVINE**

**VLADA FEDERACIJE BOSNE I HERCEGOVINE**  
N/r Edita Kalajdžić, sekretar

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primljeno: 11.06.2024			
Org. jed.	Broj	Priloga	Vrijednost
05/1	-02-	296	124

**PREDMET: Zastupničko pitanje, dostavlja se**

Veza: Akt Vlade Federacije Bosne i Hercegovine broj: 03-04-1037-2/2024 od 31.05.2024. godine

Poštovani/a,

Gender Centar Federacije Bosne i Hercegovine zaprimio je akt Vlade Federacije Bosne i Hercegovine broj: 03-04-1037-2/2024 od 31.05.2024. godine kojim se prosljeđuje zastupničko pitanje zastupnice u Zastupničkom domu Parlamenta Federacije Bosne i Hercegovine Bisenije Mušedinović.

U prilogu akta dostavljamo odgovor Gender Centra Federacije Bosne i Hercegovine, a u skladu sa svojim nadležnostima.

S poštovanjem,

Ravnateljica

Ana Vuković

Prilog:  
- Kao u tekstu

Dostavljeno:  
- naslovu  
- a/a



BOSNA I HERCEGOVINA  
FEDERACIJA BOSNE I HERCEGOVINE  
VLADA FEDERACIJE BOSNE I HERCEGOVINE  
GENDER CENTAR FEDERACIJE BOSNE I HERCEGOVINE

БОСНА И ХЕРЦЕГОВИНА  
ФЕДЕРАЦИЈА БОСНЕ И ХЕРЦЕГОВИНЕ  
ВЛАДА ФЕДЕРАЦИЈЕ БОСНЕ И ХЕРЦЕГОВИНЕ  
ГЕНДЕР ЦЕНТАР ФЕДЕРАЦИЈЕ БОСНЕ И ХЕРЦЕГОВИНЕ

BOSNIA AND HERZEGOVINA  
FEDERATION OF BOSNIA AND HERZEGOVINA  
GOVERNMENT OF THE FEDERATION OF BOSNIA AND HERZEGOVINA  
GENDER CENTER OF THE FEDERATION OF BOSNIA AND HERZEGOVINA

---

**ODGOVOR  
NA ZASTUPNIČKO PITANJE ZASTUPNICE ZASTUPNIČKOG DOMA  
PARLAMENTA FEDERACIJE BOSNE I HERCEGOVINE  
BISENIJE MUŠEDINOVIĆ**

**Sarajevo, juni 2024. godine**

## I

Bisenija Mušedinović, zastupnica u Zastupničkom domu Parlamenta Federacije Bosne i Hercegovine, postavila je sljedeće pitanje:

**„Da li je uspostavljena jedinstvena baza podataka o žrtvama nasilja u porodici, te da li je izrađen Izvještaj o postupanju referalnih mehanizama u Federaciji BiH za 2023. godinu (broju prijavljenih slučajeva nasilja, broju izrečenih zaštitnih mjera, broju donijetih pravosnažnih sudskih presuda), te da li su u svim kantonima izrađeni gender akcioni planovi, kao i programi mjera za prevenciju i borbu protiv nasilja u porodici?“**

## II

Na postavljeno pitanje Gender Centar Federacije Bosne i Hercegovine, u skladu sa svojim nadležnostima, daje sljedeći

## ODGOVOR

### **Jedinstvena baza podataka**

Za potrebe unapređenja vođenja evidencija Gender Centar Federacije Bosne i Hercegovine je u saradnji sa nadležnim ministarstvima i jednim brojem nevladinih organizacija, te uz podršku OSCE Misije u BiH koordinirao aktivnostima s ciljem unapređenja elektronskog načina vođenja podataka. Pripremljena je metodologija i uspostavljen informacioni sistem koji omogućava unos podataka o prijavama nasilja u porodici od strane policije, praćenje zaštitnih mjera od strane centara za socijalni rad, smještaj u sigurne kuće od strane nevladinih organizacija koje imaju sigurnu kuću, te pozive na SOS telefon 1265. Pilotiranje elektronskog načina evidentiranja započelo je u januaru 2015. godine, a do kraja 2017. godine su provedena tri ciklusa edukacije policijskih službenika, uposlenika u centrima za socijalni rad, te predstavnika nevladinih organizacija. Baza podataka je smještena na serveru Vlade Federacije BiH, dok se edukacija za rad na ovom sistemu provodi na Policijskoj akademiji u Sarajevu kroz jedinstven plan i program edukacije, a urađen je i Priručnik za korisnike baze podataka. Elektronska baza podataka predstavlja značajan korak ka kvalitetnijem odgovoru na zahtjeve međunarodnih i domaćih pravnih akata koji se odnose na evidentiranje slučajeva nasilja u porodici i bolji sistem izvještavanja. Dugoročno, elektronska baza podataka olakšava rad profesionalaca i smanjuje dodatno opterećavanje žrtava nasilja u porodici, jer kroz uvezani sistem, žrtva prolazi samo jednom kroz set pitanja u sistemu djelovanja i zaštite. Imajući u vidu navedeno, Federalno ministarstvo unutrašnjih poslova uradilo je Pravilnik o izmjenama i dopunama Pravilnika o načinu provođenja zaštitnih mjera za počiniocima nasilja u porodici koje su u nadležnosti policije. Izmjene su objavljene u Službenim novinama Federacije BiH, broj 95/18. Izmjene ovog pravilnika će omogućiti unapređenje vođenja podataka u oblasti nasilja u porodici, a posebno u dijelu elektronskih evidencija. Podaci iz elektronske baze podataka su korišteni za različite izvještaje jer omogućavaju na primjer detaljnu analizu podataka o prijavama koje pokazuje velike razlike u broju prijavljenih slučajeva u odnosu na pojedine kantone, razliku između broja prijavljenih i procesuiranih slučajeva, kao i odnose žrtava i počinioca nasilja (žrtva: 46% supruga, 9% majka, 8% vanbračna partnerica, 8% suprug, 7% kćer, 6% otac, 2% sestra, 2% brat, 1% vanbračni partner, 2% neko drugi; počinitelj: 55% suprug, 14% sin, 11%

otac, 8% vanbračni partner, 4% brat, 1% kćer, 1% pastorak, 1% supruga, 1% unuk, 2% neko drugi)<sup>1</sup>.

Tokom pilot faze, ovaj sistem elektronskog prikupljanja podataka koji se bazira na propisanim evidencijama je funkcionisao, međutim nakon pilot faze nije osiguran mehanizam održivog rada elektronskog vođenja podataka, te je trenutno sistem za elektronsko vođenje podataka izvan funkcije. S tim u vezi, održivost zahtijeva preuzimanje vođenja elektronskih evidencija od strane svake od nadležnih institucija, te stvaranje tehničkih i pravnih preduslova za njihovo međusobno uvezivanje. Napominjemo, da je sistem elektronskog vođenja podataka vezan za obrasce propisane pravilnicima nadležnih institucija, te da je ovim pravilnicima predviđeno uvođenje ovog načina vođenja podataka<sup>2</sup>. Posljednji sastanak nadležnih institucija i nevladinih organizacija s ciljem otklanjanja prepreka za funkcionisanje ovog sistema održan je u Zgradi Vlade FBiH 19.10.2021. godine. S obzirom da je u proceduri donošenje novog Zakona o zaštiti od nasilja u porodici, ovisno o rješenjima novog zakona bit će potrebno aktualizirati i finalizaciju održivog rješenja za vođenje elektronskih evidencija.

### **Postupanje referalnih mehanizama u Federaciji BiH za 2023. godinu**

Obaveza formiranja kantonalnih koordinacionih tijela proizilazi iz člana 37. Zakona o zaštiti od nasilja u porodici („Službene novine Federacije BiH“, br. 20/13 i 75/21), a općinski multisektorski timovi se vežu za član 39. Zakona, a u vezi obaveze donošenja protokola o saradnji. Kantonalna koordinaciona tijela su imenovana od strane svih deset kantonalnih vlada, a općinski multisektorski timovi su imenovani u većem broju općina<sup>3</sup>. Gender Centar Federacije Bosne i Hercegovine pruža podršku radu navedenih tijela, međutim, izvještaje o radu ovih tijela pripremaju i podnose sami referalni mehanizmi, odnosno koordinaciona tijela kantonalnim vladama, odnosno općinama koje su ih formirali.

### **Statistički podaci o nasilju u porodici**

Gender Centar Federacije Bosne i Hercegovine redovno prikuplja i u okviru različitih izvještaja objavljuje podatke o nasilju u porodici, a u skladu sa članom 40. Zakona o zaštiti od nasilja u porodici („Službene novine Federacije BiH“, br. 20/13 i 75/21). S tim u vezi, prikupljanje i obrada podataka za 2023. godinu za pojedine oblasti još nije završena, te će nedostajući podaci za 2023. godinu za pojedine tabele biti naknadno dostavljeni. Naime, iako prema članu 40. Zakona o zaštiti od nasilja u porodici postoji obaveza dostavljanja evidencija do 10. januara za prethodnu godinu, u praksi Gender Centar Federacije Bosne i Hercegovine od nadležnih institucija dopisom traži navedene podatke, te je proces dobijanja i obrade podataka neujednačen.

<sup>1</sup> Odnos nasilne osobe i žrtve – presjek trendova za period 2015-2020. godine iz elektronskih evidencija (ne obuhvata sve prijavljene slučajeve)

<sup>2</sup> Federalno ministarstvo unutrašnjih poslova donijelo je Pravilnik o načinu provođenja zaštitnih mjera za počiniocce nasilja u porodici koje su u nadležnosti policije („Službene novine Federacije BiH“, br. 19/14 i 95/18) koji sadrži i obrazac za vođenje potrebnih evidencija. Federalno ministarstvo rada i socijalne politike donijelo je Pravilnik o sadržaju i načinu vođenja evidencije o izrečenim zaštitnim mjerama osobama koje su štice zaštitnom mjerom i o nasilnim osobama kojima su izrečene zaštitne mjere („Službene novine Federacije BiH“, broj 95/13) koji sadrži i obrazac za vođenje potrebnih evidencija. Federalno ministarstvo pravde nije donijelo pravilnik kojim bi se regulisao zadržaj i oblik evidencija iz stava 3. člana 40. Zakona o zaštiti od nasilja u porodici.

<sup>3</sup> Srednjobosanski kanton: Jajce, Gornji Vakuf/Uskoplje, Donji Vakuf, Novi Travnik, Travnik, Kiseljak, Vitez, Kreševo, Fojnica i Dobretići; Kanton 10: Kupres, Glamoč i Bosansko Grahovo, Tomislavgrad i Livno u proceduri; Hercegovačko-neretvanski kanton: Jablanica, Mostar, Konjic i Čapljina; Tuzlanski kanton: nisu zvanično formirani općinski MT, ali su u vezi sa općinskim protokolima i u skladu s tim imaju povremene sastanke i zajedničke aktivnosti; Posavski kanton: nisu zvanično formirani općinski MT, ali su u vezi sa općinskim protokolima i u skladu s tim imaju povremene sastanke i zajedničke aktivnosti; Zeničko-dobojski kanton: Breza, Zavidovići, Vares, Visoko, Maglaj, Kakanj i Zenica; Zapadnohercegovački kanton: Široki Brijeg je formirao MT, ali nisu završili proceduru, jer čekaju formiranje na kantonalnom nivou.

Izvod iz statističkih podataka:

**Tabela: Broj prijava slučajeva nasilja u porodici\***

2018.	2019.	2020.
1.242	1.136	1.798

\*Podaci kantonalnih ministarstava unutrašnjih poslova prema Članu 222. Krivičnog zakona FBiH. Za 2021., 2022. godinu su dostavljeni nepotpuni podaci, te je GCFBIH u dopisu prema FMUP-u u kojem su traženi podaci za 2023. godinu također naglasio potrebu dopunjavanja navedenih godina kako bi se mogli objaviti.

**Tabela: Broj podnesenih izvještaja o počinjenom krivičnom djelu\***

2018.	2019.	2020.
829	576	971

\*Podaci kantonalnih ministarstava unutrašnjih poslova prema Članu 222. Krivičnog zakona FBiH. Za 2021., 2022. godinu su dostavljeni nepotpuni podaci, te je GCFBIH u dopisu prema FMUP-u u kojem su traženi podaci za 2023. godinu također naglasio potrebu dopunjavanja navedenih godina kako bi se mogli objaviti.

**Tabela: Broj osuđujućih presuda\***

Godina	Ukupan broj sankcija	Zatvor	Novčana kazna	Uvjetna presuda	Drugo (mjera upozorenja i mjere sigurnosti)
2018.	441	15%	8%	74%	3%
2019.	371	14%	4%	72%	10%
2020.	321	15%	6%	75%	4%
2021.	418	12%	3%	67%	
2022.	318	16%	6%	78%	0%

\*Podaci općinskih sudova prema Članu 222. Krivičnog zakona FBiH – izvor VSTV BiH.

**Tabela: Izvršiocu u slučajevima presuđenih krivičnih djela nasilja u porodici prema spolu\***

Godina	Ukupan broj izvršilaca	Muškarci	Žene
2018.	425	96%	4%
2019.	256	94%	6%
2020.	210	94%	6%
2021.	241	91%	9%
2022.	447	93%	7%

\*Podaci općinskih sudova prema Članu 222. Krivičnog zakona FBiH – izvor VSTV BiH.

**Tabela: Osobe u slučajevima presuđenih krivičnih djela nasilja u porodici (oštećeni)\***

Godina	Ukupan broj oštećenih	Muškarci	Žene
2018.	510	20%	80%
2019.	1.329	17%	83%
2020.	1.252	17%	83%
2021.	1.466	17%	83%
2022.	1.935	20%	80%

\*Podaci općinskih sudova prema Članu 222. Krivičnog zakona FBiH – izvor VSTV BiH.

**Tabela: Djeca u slučajevima presuđenih krivičnih djela nasilja u porodici (oštećeni)\***

Godina	Ukupan broj oštećenih	Dječaci	Djevojčice
2018.	77	56%	44%
2019.	86	34%	66%
2020.	60	50%	50%

\*Podaci općinskih sudova prema Članu 222. Krivičnog zakona FBiH – izvor VSTV BiH.

**Tabela: Podaci o zaštitnim mjerama prema Zakonu o zaštiti od nasilja u porodici\***

Godina	Broj izrečenih zaštitnih mjera						Osobe kojima se izriču zaštitne mjere				Osobe koje se štite zaštitnim mjerama			
	a*	b*	c*	d*	e*	f*	muškarci	žene	dječaci	djevojčice	muškarci	žene	dječaci	djevojčice
2018.	37	151	197	62	31	2	304	19			52	304	30	32
	480						323				418			
2019.	15	216	209	60	18		299	20	1	0	29	116	2	6
	518						320				153			
2020.	19	201	39	7	29		324	17			26	113	4	5
	545						341				148			
2021.	23	278	278	60	53		517	25			41	254	15	20
	692						552				330			
2022.	38	278	249	55	30	1	400	19			66	249		
	651						419				315			

\*Izvor VSTV BiH.

a\* - Udaljenje iz stana, kuće ili nekog drugog stambenog prostora i zabrana vraćanja u stan, kuću ili neki drugi stambeni prostor;

b\* - Zabrana približavanja žrtvi nasilja;

c\* - Zabrana uznemiravanja i uhođenja osobe izložene nasilju;

d\* - Obavezan psihosocijalni tretman;

e\* - Obavezno liječenje od ovisnosti;

f\* - Privremeno lišenje slobode i zadržavanje

**Tabela: Broj žrtava nasilja u porodici smještenih u sigurne kuće\***

Redni broj	Naziv sigurne kuće	Broj žena žrtava nasilja				Broj djece žrtava nasilja				Ukupno žrtava nasilja			
		2019.	2020.	2021.	2022.	2019.	2020.	2021.	2022.	2019.	2020.	2021.	2022.
1.	Udruženje „Žene sa Une“ Bihac	14	23	30	20	26	52	56	52	40	75	86	72
2.	Udruženje građana „Vive žene“ Tuzla	42	40	39	36	26	41	46	37	68	81	85	73
3.	Udruženje „Medica“ Zenica	24	18	18	15	37	25	51	34	61	43	69	49
4.	Fondacija lokalne demokratije Sarajevo	45	24	42	44	67	31	67	37	112	55	109	81
5.	Udruženje „Žena BiH“ Mostar	8	9	12	10	9	7	20	5	17	16	32	15
	<b>UKUPNO:</b>	<b>118</b>	<b>114</b>	<b>141</b>	<b>125</b>	<b>146</b>	<b>156</b>	<b>240</b>	<b>165</b>	<b>298</b>	<b>270</b>	<b>381</b>	<b>290</b>

\* Izvor podataka: Federalno ministarstvo rada i socijalne politike

**Tabela: Broj poziva na SOS telefon 1265\***

Godina	2008.	2009.	2010.	2011.	2012.	2013.	2014.	2015.							
Broj poziva	188	2.978	1.902	1.431	1.190	1.004	1.103	914							
Pozivaoci prema spolu	m	ž	m	ž	m	ž	m	ž							
	-	-	7%	93%	12%	88%	15%	85%	14%	86%	8%	92%	13%	87%	14%

Godina	2016.	2017.	2018.	2019.	2020.	2021.	2022.	2023.							
Broj poziva	654	453	226	501	913	182	1.559	2.407							
Pozivaoci prema spolu	m	m	m	ž	m	ž	m	ž							
	14%	9%	9%	86%	14%	86%	14%	12%	9%	91%	6%	94%	12%	88%	26%

\*Elektronska baza podataka o nasilju u porodici

## Gender akcioni planovi

Donošenjem četvrte generacije Gender akcionog plana BiH (2023-2027), Operativnog plana institucija Federacije BiH za praćenje i primjenu GAP BiH, usvajanjem kantonalnih i lokalnih gender akcionih planova može se konstatovati da je zaokružen strateški okvir za unaprijeđenje ravnopravnost spolova na području Federacije BiH. Uvidom u obim i značaj poduzetih mjera i provedenih aktivnosti vidljiv je doprinos unaprijeđenju zakonskih, institucionalnih i društvenih preduslova za veću ravnopravnost spolova u FBiH i otklanjanje diskriminacije na osnovu spola.

U periodu od 2019 - 2023. godine Gender Centar Federacije BiH je uložio značajne napore kako bi nadležne institucije preuzele zakonske obaveze za uvođenje i provedbu standarda ravnopravnosti polova, posebno u prioritarnim oblastima GAP BiH. Konkretno, pružena je podrška kantonalnim vladama u procesu formiranja koordinacionih odbora, koji su imali ključnu ulogu za uspostavljanje regulatornih i institucionanih pretpostavki za uvođenje ravnopravnosti spolova u redovne planove i programe rada institucija koje predstavljaju. Gender Centar Federacije BiH je u ovim procesima omogućio redovne sastanke pomenutih koordinacionih tijela s ciljem zajedničkog planiranja i koordiniranja aktivnosti, pripreme analiza i istraživanja korištenih za planiranje mjera, što je direktna podrška primjeni člana 24. Zakona o ravnopravnosti polova BiH, a sve navedeno potvrđeno je u Izvještaju revizije učinka „Rodna ravnopravnost i sprečavanje nasilja nad ženama“ koja je provedena od strane Ureda za reviziju institucija u Federaciji Bosne i Hercegovine, tokom 2023. godine.

Uz inicijativu te potpunu finansijsku, stručnu i konsultativnu podršku Gender Centra Federacije BiH - usvojeno je šest (6) kantonalnih gender akcionih planova, i to:

- Gender akcioni plan Srednjobosanskog kantona (2019-2022);
- Gender akcioni plan i finansijski plan Kantona Sarajevo (2019- 2022);
- Gender akcioni plan Zeničko-dobojskog kantona (2021-2024);
- Gender akcioni plan Bosansko-podrinjski kanton (2021-2024);
- Gender akcioni plan Tuzlanski kanton (2021-2024);
- Gender akcioni plan Unsko-sanski kanton (2022-2025);
- Gender akcioni plan i finansijski plan Kantona Sarajevo (2024- 2027).

U toku je izrada gender akcionog plana Posavskog kantona i novog strateškog okvira za Srednjobosanski kanton za period (2024-2027). Iako je Gender Centar Federacije BiH pokrenuo inicijativu za podrškom u ovom procesu i za preostale kantone odgovor od tri kantona (Hercegovačko-neretvanski kanton, Zapadnohercegovački kanton, Kanton 10) do trenutka pisanja ovog odgovora nije stigla povratna informacija.

Slijedom navedenog, može se zaključiti da postoji konzistentnost u radu kantonalnih vlada u dosljednoj primjeni Zakona o ravnopravnosti spolova BiH ("Službeni glasnik BiH", broj 32/10). Za potrebe izrade ovih strateških dokumenata održano je preko 20 radionica i preko 50 sastanaka za 150 službenika i stručnih lica, koji su doprinijeli sistemskom uvođenju principa ravnopravnosti spolova u redovne planove i programe rada institucija koje predstavljaju. Paralelno izrađeni su planovi za monitoring i evaluaciju aktivnosti i mjera za potrebe izvještavanja prema vladama.

Osim na kantonalnom nivou, u periodu od 2019. do 2023. godine ostvarana je saradnja u 40 jedinica lokalne samouprave, provedeno preko 60 obuka za 500 predstavnika lokalne izvršne i zakonodavne vlasti, te usvojeno 29 lokalnih gender akcionih plana (LAP), čime je ostvarena teritorijalna pokrivenost od 30%. Uticaj kordinacionih odbora se posebno pokazao u toku pandemije COVID - 19, kada su sve mjere kao i ljudski i finansijski kapaciteti bili na raspolaganju za interventne akcije, koje su uzimale u obzir različite potrebe, uloge i interese i žena i muškaraca.

### **Programi mjera za prevenciju i borbu protiv nasilja u porodici**

Obaveza donošenja i implementacije Programa mjera za prevenciju i borbu protiv nasilja u porodici proizilazi iz člana 37. Zakona o zaštiti od nasilja u porodici („Službene novine Federacije BiH“, br. 20/13 i 75/21). Postoji kontinuitet donošenja programa mjera na kantonalnom nivou, a s obzirom da se radi o dvogodišnjem planskom dokumentu, njegovo kontinuirano donošenje i implementacija ovisi o samom radu koordinacionog tijela koje imenuju pojedine kantonalne vlade, što ponekad ovisi i od konstituisanja vlade u određenom kantonu. Ovisno od toga koji se period promatra uvijek je u nekom trenutku bilo kantona koji nisu imali usvojene programe mjera u određenom periodu, ali su ovi dokumenti bili pripremani i usvajani od strane kantonalnih vlada od 2013. godine do danas. U periodu od 2019. do 2022. godine u različitim vremenskim trajanjima svi kantoni su imali svoje programe mjera osim Zapadno hercegovačkog kantona i Unsko-sanskog kantona. U Unsko-sanskom kantonu je posljednji Program mjera obuhvatao period od 2017. do 2019. godine<sup>4</sup>. Gender Centar Federacije BiH je kontinuirano podržavao rad kantonalnih koordinacionih tijela i općinskih multisektorskih timova, te usmjeravao projektna sredstva s ciljem jačanja rada ovih tijela i implementacije programa mjera. S tim u vezi, kroz direktnu podršku radu trenutno su uspostavljena koordinaciona tijela u svih deset kantona, a Gender Centar Federacije BiH je pripremio okvirni Program mjera za prevenciju i borbu protiv nasilja u porodici koji je usklađen sa Istanbulskom konvencijom i razvojnim strateškim pravcima Strategije razvoja Federacije BiH 2021-2027 i novom Strategijom za prevenciju i borbu protiv nasilja u porodici 2024.-2027. Također, održani su radni sastanci u svih deset kantona te su u pripremi ujednačeni programi mjera prema ovom okviru za period 2024-2025. Vlada Bosansko-podrinjskog i Vlada Posavskog kantona su već usvojile svoje programe mjera prema novom okviru, te se očekuje isto i od ostalih osam kantonalnih vlada. Uz podršku Gender Centra Federacije BiH, kao koordinatora izrade i praćenja provedbe strateških dokumenata u oblasti nasilja u porodici, po prvi put postoji ujednačen sistemski pristup u ovoj oblasti u svih deset kantona.

Gender Centar Federacije Bosne i Hercegovine također kontinuirano organizuje dvodnevne konferencije na temu „Multidisciplinarni pristup prevenciji i borbi protiv nasilja u porodici“.

<sup>4</sup> Strana 25. Izvještaja revizije učinka „Rodna ravnopravnost i sprečavanje nasilja nad ženama“.

Cilj ovih godišnjih konferencija je jačanje saradnje institucija, ustanova i nevladinih organizacija u preventivnom djelovanju i postupanju u slučajevima nasilja u porodici, kao i implementacija odredbi Zakona o zaštiti od nasilja u porodici s posebnim akcentom na članove 37. i 39. Zakona, a koji se odnose na uspostavu koordinacionih tijela, izradu programa mjera za prevenciju, zaštitu i borbu protiv nasilja u porodici, te primjenu protokola o saradnji u ovoj oblasti. Na ovim godišnjim konferencijama svih deset kantonalnih koordinacionih tijela prezentuje svoje rezultate tokom implementacije programa mjera, te planove za naredni period. Ove konferencije se kontinuirano organizuju od 2013. godine, a posljednja je realizovana 21. i 22. novembra 2023. godine u Sarajevu.